



Nuuk 07. januar 2010

Inatsisartut suleriaasianni § 36 imm. 1 naapertorlugu Naalakkersuisunut apeqqut imaattoq matumuuna saqqummiuppara:

Naalakkersuisunut apeqqut:

1. **Illumoorpa Skipperskoli Paamiuniittoq Naalakkersuisunit matunialersarneqartoq ilinniartukinnera pissutigalugu, taamaalillunilu 2 – 3 mio. kr. sipaarniarneqarlutik?**
2. **ilumoorpa skipperskolimut ilinniartunngortarumaartussat Naalakkersuisunit danmarkimut innersuunneqartalerniartut?**
3. **Naalakkersuisut isumaqarpat sukumiisumik misissuillutillu nalilersuisimallutik tunngavilersuutit tamakkiisut eqqarsaatigalugit, ilinniartullu ikippallarnerannut peqqutigittinneqartunut?**
4. **Naalakkersuisut isumaliutigisimanerlugu atuarfiusumut qanoq kinguneqarumaarnersoq, uani eqqarsaatigalugit allagartat atuarfiup piginnaasaannut tunngasut pillugit?**
5. **ilinniartitsisutut sulisut eqqarsaatigalugit susoqassanersoq qanoq Naalakkersuisunit isumaliutersuuteqarfigineqarpat?**
6. **Naalakkersuisut isumaqarpat atuarfiup matuneqarnissaanut paasissutissat pigineqartut aallaavigalugit tunngavilersuutit isumaliutersuutigineqarluarsimasut?**
7. **ilinniarfeqarfiit allat suut Naalakkersuisunit isumaliutersuutigineqarpat matuneqarnissaat immaqaluunniit illoqarfinnut allanut nuunneqarnissaat?**

(Inatsisartuni ilaasortaq, Kim Kielsen Siumut)

Tunngavilersuut:



SIUMUT INATSISARTUNI ILAASORTAATITAT / LANDSTINGSGRUPPEN

Naalackersuisut siuliisa siunertarisimavaat sulilu siunertaralugu inuiaqatigiit tamakkiisumik assigiimmillu siuariartortinneqarnissaat. Taassuma kinguneranik pisortat suliffeqarfiutaat, kiffartuussiviugaluarpata ilinniartoqarfiugaluarpataluunniit piffissami illoqarfinnut allanut nussorneqartarneri qitiusumiit.

Qitiusumiit nussuineq isiginneriaatsit assigiinnngitsut aallaavigalugit qimerloorneqarsinnaavoq, taakku isiginneriaatsit ilagaat Paamiuni innuttaaqataasut ulluinnarni inuunerannut toqqaannartumik takuneqarsinnaanngikkaluamillu pitsaaquteqarnera. Skipperskolip matuneqarneratigut Paamiormiunut pitsaaqutinngorsimallutik pilersinneqarsimasut peerneqassapput.

Skipperskolip matuneqarnissaa aningaasat aallaavigalugit kisiat qimerloorniarneqarsinnaanngilaq, eqqaamaneqartariaqarpormi aamma suli ilinniartunngorumaarsinnaasunik innuttaaqateqaratta kalaallisuinnaq oqaasilinnik kiisalu naalakkatut ilinniarsimasunik innuttaaqateqaratta kalaallisuinnaq oqaasilinnik ilinniakkaminnik aamma nutarterinissaminnik pisariaqartitsisussanik. Paamiuni skipperskolip matuneqarneratigut ilinniagassaq ilinniareersimasamillu nutarterinissamik kalaallisuinnaq oqaasilinnut periarfissaajunnaasaaq.

Eqqaamaneqartariaqarpoq aamma, ilinniarfiup atuunnerata nalaanni ilisimasarilersimasaq qatangiinnartinneqassammat skipperskolip matuneqarneratigut, ilisimalersimasaq taanna annaagutsigu imaaliallaannarlugu pigineqaleqqissinnaanngilaq, annaasassaq eqqarsaatigalugu qanoq iliulersaartoqarpa. Akuerineqarsinnaava nunap immikkoortortaani nunarpullu tamaat eqqarsaatigalugu ilisimalersimasat pigiinnarneqarnissaannik annertusaavigineqarnissaannillu sulisoqarnerani illuatungaani ilinniartoqarfinnik matooraanermik allaat ilisimasanik Kalaallit Nunaannit piiaanermik pilersitsinermillu ikiuuttoqarnera?